



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

PROGRAM
AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA PROTIV
ČOVJEČNOSTI U PRIJEDORU I NJEGOVOJ OKOLINI
ZA 2023. GODINU

Sarajevo, mart 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 3. stav 2. Odluke o obilježavanju Dana sjećanja na žrtve zločina protiv čovječnosti u Prijedoru i njegovoj okolini („Službene novine Kantona Sarajevo“, broj 50/22), utvrđujem:

PROGRAM
AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA PROTIV
ČOVJEČNOSTI U PRIJEDORU I NJEGOVOJ OKOLINI
ZA 2023. GODINU

I UVOD

Odlukom o obilježavanju Dana sjećanja na žrtve zločina protiv čovječnosti u Prijedoru i njegovoj okolini za 2023. godinu („Službene novine Kantona Sarajevo“, broj 50/22) propisano je da konačni Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za 2023. godinu utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini za narednu godinu. U izradi Programa aktivnosti za Dan obilježavanja sjećanja na žrtve zločina protiv čovječnosti u Prijedoru i njegovoj okolini konsultovan je i Savjet gradonačelnice za Informativni centar Sarajevo (u daljnjem tekstu: Informativni centar Sarajevo). Savjet gradonačelnice za Informativni centar Sarajevo prihvatio je predloženi program koji je dostavljen od strane direktora *MESS-a*, Nihada Kreševljakovića, u saradnji sa autoricom knjige „Čovjek i Fotografija-*Fikret Alić*-Čovjek iza žice logora Trnopolje” Admir Fazlić. Uzimajući u obzir nadležnost Savjeta, utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvažene sugestije Savjeta.

II RASPORED I OPIS AKTIVNOSTI ZA DAN OBILJEŽAVANJA SJEĆANJA NA ŽRTVE ZLOČINA PROTIV ČOVJEČNOSTI U PRIJEDORU I NJEGOVOJ OKOLINI ZA 2023. GODINU

Naziv aktivnosti: Izložba „Prijedor“, autora Velije Hasanbegovića

Lokacija: Vijećnica Sarajevo

Vremenski okvir: 31.05.2023. godine

Satnica: naknadno

Učesnici aktivnosti: delegacije Grada Sarajeva, delegacija Mehanizma za međunarodne krivične sudove u Hagu, strane delegacije, diplomatska predstavništva u BiH, delegacije, predstavnici različitih nivoa vlasti u BIH, predstavnici relevantnih udruženja, umjetnici, učenici i studenti.

Obrazloženje: Izložba fotografija mjesta i događaja u vezi sa zločinima počinjenim na prostoru Prijedora. Fotograf posjećuje prostor masovne grobnice u Tomašici, Šejkovaču i prisustvuje dženazi posmrtnih ostataka žrtava iz Tomašice, a koji su ukopani na šehidskom groblju u Kozarcu. Ovo je priča u kojoj fotograf daje glas žrtvama da posvjedoče o zločinima onih koji su ih pokušali zauvijek ušutkati bez mogućnosti da se čak ni njihova tijela ikad pronađu. Velija Hasanbegović je fotograf koji se kontinuirano bavi posljedicama genocida i zločina protiv čovječnosti u BiH te je autor brojnih značajnih izložbi kroz koje je ostavio važan trag o prošlosti Bosne i Hercegovine. Izložba će biti postavljena na galeriji iznad aule u Vijećnici.

Naziv aktivnosti: Izložba fotografija „Između straha i nade“ autora Fabrice Dekoninck

Lokacija: Vijećnica Sarajevo

Vremenski okvir: 31.05.2023. godine

Satnica: naknadno

Učesnici aktivnosti: delegacije Grada Sarajeva, akademska zajednica, delegacija Mehanizma za međunarodne krivične sudove u Hagu, relevantna udruženja, diplomatska predstavništva, predstavnici različitih nivoa vlasti u BiH, studenti, istraživači.

Obrazloženje: Skoro tri godine fotograf Fabrice Dekoninck boravio je u Bosni i Hercegovini gdje je sa brojnim svjedocima izgradio odnose povjerenja. Širom Evrope je, također, sreo nekoliko stranih svjedoka (vojnike UN-a, istražitelja MKSJ, pisce i novinare) koji su bili prisutni u Bosni tokom rata. Svi svjedoci su na najiskreniji način otvorili vrata svog sjećanja, omogućivši autoru da prikupi jedinstven niz svjedočanstava o tome šta je sjećanje na rat.

Kroz fotografiju, opsjednut tragovima, Deckoninck neumorno istražuje sama mjesta na kojima su počinjeni zločini, mjesta zatočenja, pogubljenja i nekadašnje masovne grobnice. Više od dvije godine istražuje, u najintimnijim aspektima, sjećanje na one koji su preživjeli opsadu Sarajeva, etničko čišćenje prijedorske regije i genocid u Srebrenici. Poput antropologa pamćenja, dokumentirao je sjećanje svjedoka i ozbiljne traume koje se prenose između generacija. Izložba fotografija „Između strahova i nade“ predstavlja spoj crno-bijelih i slika u boji, zabilježene okom filmske kamere (35mm i srednjeg formata) oslikavajući scenske portrete i reportažne slike na samim mjestima na kojima su se događaji odvijali.

Naziv aktivnosti: Baner „Da se nikad ne zaboravi“

Lokacija: jedan od sarajevskih mostova u blizini Vijećnice

Vremenski okvir: 31.05.2023. godine

Satnica: naknadno

Učesnici aktivnosti: delegacije Grada Sarajeva, delegacija Mehanizma za međunarodne krivične sudove u Hagu, akademska zajednica, relevantna udruženja, umjetnici, studenti, građani.

Obrazloženje: Kako bi podsjetili na zločine u Prijedoru i njegovoj okolini, odali pijetet žrtvama i porodicama preživjelih i čuvali od zaborava, zamišljeno je da se na jednom od sarajevskih mostova u blizini Vijećnice postavi baner na kome bi bile slike ubijene djece u Prijedoru i njegovoj okolini sa porukom: „Da se nikad ne zaboravi“.

Naziv aktivnosti: Kratak dokumentarni film „Snaga duha“

Lokacija: Vijećnica Sarajevo

Vremenski okvir: 31.05.2023. godine

Satnica: naknadno

Učesnici aktivnosti: delegacije Grada Sarajeva, akademska zajednica, delegacija Mehanizma za međunarodne krivične sudove u Hagu, relevantna udruženja, diplomatska predstavništva, predstavnici različitih nivoa vlasti u BIH, studenti, istraživači.

Obrazloženje: Kratki dokumentarni film „Snaga duha“ bi pratio jednog od stanovnika Kozarca danas, a koji nakon strašne tragedije koju je preživio nastoji obnoviti vlastiti život. Priča tog čovjeka bila bi metafora o snazi duha stanovnika Kozarca koji su obnovili vlastite domove i koji su svojim poslijeratnim povratkom i nastojanjima da ponovno započnu život, svjedočanstvo o nevjerovatnoj snazi duha da se čovjek uzdigne i nakon najvećih tragedija. Kozarac je jedan od najsvjetlijih primjera povratka i kao takav zavrjeđuje posebnu pažnju i poštovanje, a ovakvi projekti sigurno odaju počast tom činu te ohrabruju ljude u toj misiji. Film bi se realizirao u produkciji udruženja *UG VideoArhiv* i *Festivala MESS-a*. Nakon završetka oficijelnog dijela programa, svim učesnicima bila bi besplatno podijeljena knjiga „Čovjek i Fotografija-Fikret Alić-Čovjek iza žice logora Trnopolje“, autorice Admir Fazlić. Knjiga predstavlja biografiju Fikreta Alića – „Čovjeka iza žice“, čovjeka sa čuvene fotografije objavljene u *Time Magazin*u, a kojom je otkrivena istina o postojanju koncentracionih

logora u Bosni i Hercegovini. Drugo izdanje knjige publicirao je *Festival MESS* u okviru programa *Modula Memorije* obilježavajući Dan bijelih traka.

III REALIZACIJA PROGRAMA I LOGISTIKA

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarne aktivnosti, provođenje potrebnih nabavki i sl.

Organizacioni odbor bit će ovlašten i da izvrši dodatno preciziranje lokacija, satnica, učesnika i zvanica.

Odsjek za informisanje (Press služba) Grada komunicirat će s medijima i sačinjavati saopćenja i medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

IV FINANSIJSKA SREDSTVA

Za potrebe realizacije Programa potrebno je u Budžetu Grada Sarajeva za 2023. godinu planirati minimalno 30.000,00 KM. Grad će tražiti i dodatnu finansijsku podršku općina u sastavu Grada i ostalih nivoa vlasti u BiH.

GRADONAČELNICA

Doc. dr. Benjamina Karić, s.r.